




中國邊疆叢書第一輯

楊增新著

補過齋文牘

(六)

文海出版社印行

中華民國五十四年十二月出版

中國邊疆叢書第一輯

補過齋文牘

精裝六冊
定價：新台幣

主編者：李

毓

澍

發行人：李

振

華

出版者：文

海

出版社

台北縣永和鎮中興街九九巷八號
郵政劃撥戶第二七八四號
電話九二一—二六五九號

印刷者：美明美術印刷廠

台北市康定路二〇二號

經售者：全省各大書局

內政部登記證內台版業字第〇八〇〇號

版權所有

補過齋文牘癸集一目錄

國防彙編一

塔城防俄上

電覆塔城營縣保護俄國貿易圖文

指令塔城道尹汪步端呈請收在俄民軍械文

電呈俄兵假道將抵塔界請由部交涉文

電呈俄舊黨軍隊取道伊犁進攻新黨文

指令塔城道尹汪步端稟報俄武官尙稟勝來塔

秘密招兵文

咨外交部俄領欠交運械費銀兩文

電呈俄斜米總司令擬派隊由塔赴伊請由部交

涉文

電呈俄兵假道赴伊請由部交涉阻止文

電呈俄舊黨軍隊假道塔城赴伊請由部嚴重交涉
涉務令撤回文

電覆塔城道尹暨營縣辦理華匪入境滋事文

咨院部俄兵戕害華兵請與嚴重交涉文

電呈俄兵華匪在塔搶劫應由部交涉文

電院部俄舊黨政府派代表來新要求助擊新黨
通行新幣文

電呈俄兵車來抵塔城邊卡請由部交涉阻止文

電塔城汪道尹等呈報俄新黨肆行搶劫文

電塔城道尹對於俄兵戕害搶劫辦法文

電呈駐塔俄領縱容俄兵搶劫文

電呈俄兵在塔城肆意搶劫請由部交涉文

電塔城劉營務處希會對待俄舊黨並遣散種煙

游民文

覆塔城劉營務處希會對付俄黨添練兵隊函

電塔城文武俄新黨越境捕拏多領違背公法條

約文

電呈俄新黨兵抵塔城捕拏多領新疆防務喫緊

請速接濟槍彈文

電塔城文武俄新黨要求兩事宜根據公法交涉
文

電塔城汪道尹步端對於中籍煙民並俄國黨爭
各辦法文

覆塔城劉營務處希曾對於俄新黨捕拏多領須
抱定公法交涉函

覆塔城文武對於俄國黨爭辦法函

覆塔城副將馬福明對於俄新舊兩黨辦法函
指令塔城文武呈報俄舊黨戰勝情形文

指令塔城協馬福明稟報師作範赴俄屬木罕奇

調查情形文

覆汪道尹稟調查俄國軍情華僑傷損函

覆塔城副將馬福明稟對於俄亂嚴守中立函

電覆馬副將福明電陳俄邊情形文

電呈塔城國防喫緊派張團長鍵帶隊駐防文

指令塔城文武電呈防範俄兵入境文

覆汪道尹查覆派員赴俄宴會情形函

電呈曾充俄兵之塞人擬由中境回國文

補過齋文牘癸集一

蒙自楊增新鼎臣

國防彙編

電覆塔城營縣保護俄國貿易圈文

巧電悉據稱俄領事報告俄革黨欲搶貿易圈洋行請保護等語我國主權所在自應派兵保護惟保護俄商之華兵或紮貿易圈內或紮貿易圈外應由俄領自行酌定用正式公文照會中國文武官照辦此頃保護貿易圈之兵卽派馬副將親自帶往以資得力惟應約束兵丁不得擾累俄商如拏獲外國滋事

之人卽送交俄領事自行懲辦此事須與汪道尹商辦現在塔城旣與新疆統一總宜和衷共濟如果事機緊急一面先行派兵保護一面向該領事索取正式公文以昭妥慎

六年四月二十八日

指令塔城道尹汪步端呈請收存俄民軍械文俄國敗兵如果攜帶軍械竄逃塔境應准將解除之武裝收存道庫此是我國主權不能交俄領收存以重公法惟此項軍械應於俄兵逃竄入卡時卽令守卡兵丁將軍械收存方准入卡若已入租界再收軍裝必非該道尹之力所能辦到雖有解卸武裝之說

必無解卸武裝之實仰卽遵辦並候行駐卡之營長

巨可規一併知照

七年七月二十七日

電呈俄兵假道將抵塔界請由部交涉文

前銑電呈俄兵擬假道塔城情事計達茲復據塔城汪道尹呈稱十一月七日准駐塔哆領事俄文照會譯漢內開照得本國阿由古斯愛國游擊軍統帶阿連濶夫前來第一電業經送請尊署閱看今又接到阿連濶夫第二次電一件本領事相應送閱卽希貴道尹查照賜覆附原電一紙等因查此案前於本月五日准該領事將第一次電文鈔送前來比因電阻

當經呈請核示在案茲准照送二次原電並飭俄鄉約面晤道尹謂前項軍隊已定走塔城邊境假道伊犁博羅塔拉菓子溝等處赴俄云云嗣經譯閱原電其中不無錯誤含混之處如所稱呈請外交總長允許且所轄軍隊尙有華民自由軍一營該營係由華政府允許加入本國軍隊等語查所云外交總長是中是俄未曾敘明難以臆度華兵名曰自由軍頗難索解是否在俄招募究係何等人類卽華政府允許加入該國軍隊一節亦屬無可證據種種疑點不便盲從本應呈候鈞示再辦乃哆領對譯員面述該軍

隊約有五千人衆已由阿由古斯起程三日該處距
葦塘子二百五十俄里約一禮拜可抵葦塘將來必
須入塔城假道務請道尹嚴催趲行毋任逗遛恐其
滋事各等語刻又專員切詢哆領頃據回稱哆領亦
未準知是否入塔城行走葦塘迤西尙有一路可直
赴紅鹽池以達博羅塔拉昨據來電俄外交部已向
中國外交部交涉尙未奉到回電所謂自由軍者係
在俄境募用華人千餘合俄兵共五千人分起開拔
頭起將至烏吉爾各等語查此項軍隊既欲假道塔
伊赴俄又有華軍在內卽就交涉軍事而論政府當

已知照鈞處有案道尹既未先奉訓令允之固難擅
專阻之又防有誤若照領事所云隊到葦塘必速惟
有臨時相機因應茲再鈔錄二次原電並於地點名
稱下各加註釋具文呈請鑒核迅示遵辦附呈阿連
濶夫原電一件文曰駐華塔城哆領事鑒敝處軍隊
能否由中嘎爾司克瓦羅他即菓子溝沿愛比淖爾即紅鹽他
至賽里木淖爾即俗名三台海子而達德札爾勘特即俄屬薩瑪爾
亟希賜覆此事業已呈請外交總長允許且本統帶
所轄軍隊尙有華兵自由軍一營該營係由華政府
允許加入本國隊中故依本統帶之意華政府對於

軍隊由華地經過應無若何反對之處等情增新查
俄軍假道塔城礙難允許已於銑電呈明茲再有陳
者中國如許該俄兵假道塔城以達伊犁進攻薩瑪
爾俄新舊兩黨不特以伊犁爲戰場破壞伊犁該新
黨勢必由塔什干安集延分兵以攻喀什而喀什一
道破壞矣更由哈拉湖以進攻烏什而阿克蘇一道
破壞矣且俄兵至五千人之多伊犁糧料柴草極形
缺乏無從購買無糧無草譁潰堪虞如果允其假道
塔城赴伊則新疆全局不糜爛於歐戰未停之先而
糜爛於歐戰已停之後全功盡棄實爲可惜俄人以

鄰爲壑損人而不利於己未免居心叵測特再電請
由部從速與俄使交涉請其速電俄兵官勿得帶兵
入伊塔境內免生枝節而維邊局不勝迫切盼禱之
至

七年十一月二十日

電呈俄舊黨軍隊取道伊犁進攻新黨文

據汪道尹呈稱十一月二日准俄國駐塔哆領事面
交阿由古斯愛國游擊軍統帶阿連濶夫致哆領一
電其文曰駐華塔城哆領事鑒敝處軍隊擬取道塔
城開往德札爾勘特並於此路設置摩托車軌華官
許否並希賜覆等語商請照准前來因連日電阻特